

III БОБ 7-мавзу: ТУПРОҚНИ ШАМОЛ ВА СУВ ЭРОЗИЯСИДАН САҚЛАШ ТАДБИРЛАРИТИЗИМИ

Режа 1

Тупроқдаги эрозия ҳакида түшүнчә, эрозияның хиллари ва пайдо бўлиш шакллари.

- Тупроқдаги эрозия ҳақида тушунча, эрозиянинг хиллари ва пайдо бўлиш шакллари




Эрозия – бу сув ва шамол оқимлари таъсирида тупроқ ва унинг остки қатламларини емирилиши, емирилиш маҳсулотларини бир жойдан иккинчи жойга олиб бориш ва қолдириш жараёнларининг йиғинидиси.



Эрозиянинг келиб чиқишига таъсири этувчи омилларга қараб уни икки хилга ажратилади:

1. Сув эрозияси
2. шамол эрозияси.





Сув эрозияси ёмғир ва эриган қор сувларининг оқиб тушиши натижасида пайдо бўлади.

Шамол эрозияси эса шамол (ҳаво оқими) таъсирида пайдо бўлади.

Сув ва шамол эрозиясининг бир-биридан фарқловчи хусусиятлари қуидагича:

а) сув эрозияси бўлиши учун сув оқими ва рельефнинг элементи – қиялик (нишаблик) керак. Қиялик бурчага $0,5^\circ$ бўлган жойда сезиларли даражада тупроқнинг ювилиши бошланади. Шамол эрозияси бўлиши учун рельеф роль ўйнамайди, текис жойда ҳам тупроқ заррачалари учирилиб кетиши мумкин.


б) сув эрозиясида сув оқими таъсирида фақат майда заррачалар эмас балки йирик ($d=1\text{m}$) харсанглар ҳам оқади. Шамол оқими эса $d=3\text{ mm}$ гача бўлган заррачаларни учирив кетади.

в) сув эрозиясида сув оқими заррачаларни фақат оқизибина қолмай уларни парчалаб юборади, заррачалар таркибидаги озиқаларни эритиб юборади (яъни, бу ерда химик жараён вужудга келади), шамол оқими таъсирида эса учурилган заррачалар бирор жойга бориб тушиш вақтида у ердаги заррачаларга урилади ва уларни парчалаб юборади, лекин таркибидаги озиқалар сақланиб қолади (яъни, бу ерда физик жараён вужудга келади).

Суғориб дәхқончилик қиладиган минтақаларда тупроқдаги эрозия әкинларни суғориш натижасида келиб чиқиши мүмкін. Бу хилдаги эрозияни «Ирригация эрозияси» дейилади.

Эрозия жараёни интенсив (тез) ўтишига қараб у нормал (табиий) ва тезлашган (эксцессив) эрозияларга бўлинади. Нормал эрозия рельеф ва метеорология омиллари таъсирида табиий ўсимликлар билан қопланган тупроқ юзасида вужудга келади.

Сув ва шамол доим тупроқ ва тоғ жинслари заррачаларини бир жойдан иккинчи жойга, кўпроқ баландликдан пастликка қараб сураверади. Бу жараён инсониятнинг иштирокисиз жуда ҳам секин ўтади ва катта зарар етказмайди



Расм-2. Диаметри 0,1–0,5 мм. бўлган тупроқ зарраларининг харакатсиз ҳолатдаги шамол таъсирида харакатга келиши. 1–ил, 2-майдо кум, 3–ўртача кум

Нормал эрозия жараёни инсоннинг аралашиши натижасида кескин ўзгарди. Табиий ҳолатдаги ерларни ҳайдаш ёки ўзлаштириш, ўрмон дарахтларини керагидан ортиқча кесиш, яйловларда чорвани меъёридан ташқари боқиш ва бошқа инсоннинг хўжалик фаолияти билан боғлиқ бўлган сабаблар эрозияни кучайтиради. Бундай жараён «Тезлашган эрозия» дейилади.

Сув ва шамол ўзининг тупроққа нисбатан емириш таъсири ва табиати бўйича ҳар хил, лекин уларнинг таъсир натижасида умумийлик мавжуд. Улар тупроқда чиринди ва ўсимликлар учун керакли озиқа моддаларини камайтиради ва охирида тупроқ унумдорлигини кескин пасайтиради.

Тезлашган эрозия ўз навбатида икки хил шаклланища бўлади: юзаки ва чизиқли (вертикал).

Юза эрозия - бу тупроқнинг юза қисмидаги заррачаларни бир текисда ювилиб кетиши. Бу эрозия одатда кенг майдонда ўтади. Сув оқими қиялиқдан ёйилиб ўтмайди, струйка (шилдирاما) ва ручейка (ариқча) кўринишларида тупроқ юзасини майда чизик қилиб ўяди. Юзаки эрозияда тупроқ юзаси емирилишининг бошланишида сезилмайди (кўзга кўринмайди), чунки пайдо бўлган чизиқчалар тупроққа навбатдаги ишлов бериш ишларини бажаришда текисланиб кетади. Бундай жараённинг узлуксиз такрорланиши натижасида тупроқ қатлами пасаяди, озуқалар камаяди.

Юзаки эрозия аста – секин ва кўримсиз ўтишига қарамай катта ҳажмда заарар келтиради.



Юза эрозияси -тупроқнинг ювилиши.




Чизикли (вертикаль) эрозия

Тупроқ ювилиши натижасида пайдо бўлган чуқурчаларнинг чуқурлиги 40-50 см. бўлганда уларни текислаш иложи қолмайди, натижада улар асосида ўпқон (провалина) лар, яъни сув ўйиб кетган чуқурлар вужудга келади.

Ўпқонларнинг пайдо бўлиши чизикли (вертикал) эрозиянинг бошланғич даври (биринчи босқичи) ҳисобланади. Бу шакли эррозия ўзан (русло) – сув йули чегарасида жуда хам интенсив равишда ўтади ва фақат тупроқни эмас балки тупроқ ости қатламларни ҳам емира бошлайди.


Упқонларга сувнинг келиб тушиши билан бу жойда жарликлар ҳосил бўлади. Жарлик чизикли эррозиянинг маҳсулоти ҳисобланади, у ўзининг аниқ шаклланган элементларига эга, уларни чизмада кўриш мумкин

Жарлик ва унинг асосий элементлари.




1-жарликнинг биринчи учи; 2 – жарликнинг иккинчи тартибдаги учи;
3-шағал ва ҳарсанглар тўпланиб қоладиган қисми (конус выноса);
4 қирғоғи – (брювка): 5 – ёни; 6 – ости: 7 – ўзан (руслу);
8 – сув бўладиган чизик (қирра).

Чизиқли эрозия натижасида жарликларнинг пайдо бўлиши билан улар эгаллаган майдон фойдаланиш оборотидан бутунлай чиқиб кетади, деган сўз.



Кишлоқ хўжалик ишлаб чиқариши иккала кўринишдаги эрозиядан заар кўради, лекин юзаки эрозиядан кўрадиган заар кўпроқ, чунки у катта майдонда пайдо бўлади, чизиқли эрозия эса унча катта бўлмаган (10 - 50 га) майдонда юз беради.



Шамол эрозияси (дефляция) ҳам икки хил шаклда ўтади: нормал (ҳар кунги) ва чангли бўронлар. Биринчиси шамолнинг тезлиги 5 - 7 м/сек бўлганда ўтади, иккинчиси эса шамолнинг тезлиги секундага 8 - 10 метрдан юқори бўлса.

Эрозиянинг пайдо бўлишига таъсир этувчи омиллар

Юқорида айтилганлардан шундай хуоса қилиш мумкинки, эрозия жараёнининг келиб чиқишида асосан иккита йирик омиллар ётади: физико-географик ва антропоген (инсоннинг хўжалик фаолияти)

Физико-географик омиллар қўйидагиларга бўлинади: иқлим, рельеф, тупроқ ва ўсимликлар. Бу омиллар ўз навбатида эрозияга таъсир қилувчи бир қатор элементларни ўз ичига олади. Иқлимнинг элементлари: ҳарорат; ёғингарчилик; шамол. Рельефнинг элементларидан қиялик: шакли, бурчаги, узунлиги, йўналиши. Тупроқнинг элементлари: механик таркиби, чиринди миқдори, намлиги ва унумдорлиги. Ўсимликларнинг элементлари сифатида уларнинг ер юзасини қопланганлик даражаси билан аниқланади.

Эрозиянинг пайдо бўлишига таъсир этувчи омиллар:

Қанчалик юза кўп йиллик ўтлар (ўсимликлар) билан қалин қопланган бўлса шунчалик тупроқ қоплами ювилиш ёки заррачалар учурилиб кетишидан сақланади.

Антропоген омиллар инсоннинг фаолияти билан боғлиқ. Инсон юқорида айтганимиздек тезлашган эрозиянинг сабабчиси. Агар инсон ўз фаолиятини илмий асосда, онгли равишда олиб борса, тезлашган эрозиянинг интенсивлиги ҳам сўзсиз пасайиб боради.

Этиборингиз учун раҳмат!!!